



Uunga
Inatsisartunut ilaasortaq
Jess Svane
Siumut

01-02-2022
Suliap normua 2022 - 1706
Allakkiap iisarnaataa 19172349

Postboks 260
3900 Nuuk
Oq. (+299) 34 50 00
Allakkasuaat (+299) 34 66 66
E-mail: iian@nanoq.gl
www.naalakkersuisut.gl

Ilaqutariinnut paarsisartunut suliassa qarfirmut tunngatillugu § 37 naapertorlugu apeqquteqaammut nr. 016-2022-imut akissut

Asasara Jess Svane.

Apeqqutinnut qujanaq. Apeqqutit akissutaallu tulleriiaarlugit ataani allattorsimapput.

1. Isumaginninnikkut ikiorsiissutit tunniunneqartartut atuuttut pillugit kaajallaasitaq ulloq 1. Januaari 2022 aallarnerfigalugu atuutilersumi nalinnaasumik ilaqutariinnut paarsisartunut paaqqinninersiutit "Immikkut ittumik piumasaqaateqartoqarneratigut ilaqutariinnut paarsalinnut perorsaanikkut isumassuinikkullu immikkut piumasaqaateqarfiusutigit" paarsaqarnermi akissarsiat 700% tikillugu qaffanneqarsinnaapput. Qaqugukkut immikkut ittumik perorsaanikkut isumassuinikkullu piumasaqaatit atuuttarpat?

Kommune meeqqamik paarineqarnissamut inissiisoq immikkut ittumik iliuseqarneq tunngavigalugu qaffasinnerusumik akissarsititsinissamut aalajangiisinaavoq. Tamanna suliata ataasiakkaarlugit aalajangersimasumik nalilerneqarnerat tunngavigalugu pissaaq. Isumaginninnermut Aqutsisoqarfik tulleriinnik arfineq marlunnik ingerlatassanik ilitsersuusiorsimavoq ilaqutariit paarsisartut iliuseqarnerisa qanoq annertutiginerannik naliliinnermut kommunemit atornerqartussamik. Piumasaqaatit ilaatigut meeqqat ineriartornerannut atugarissaanerannullu kiisalu taakku ikorfartornissaannut iliuseqarnerup annertussusaanut tunngassuteqarput. Piumasaqaatit aamma ilaqutariit paarsisartut ulluinnarni inuunerannut, ilaqutariittut, inooqataanikkut kiisalu allamik suliqaarsinnaanerannut, sunniutinut tunngassuteqarput.

2. VIVEp nalunaarusiaani "Kalaallit Nunaanni ilaqutariinnut paarsisartunut suliassa qarfik pillugu qulaajaaneq"-mi erserpoq, qulaajaanerup ingerlanerani, akissarsiasaanut qaffaanissamut piumasaqaatit suusut ersernerluttut. Qanoq akissarsianik qaffaassuteqartarnermut periutsip kommuninit paatsuungassutaannginnissaa Naalakkersuisut qulakkeerniarpaat?

Apeqqut 1-imut akissut innersuussutigineqarpoq.

Qupperneq 1, 4-nit



Isumaginninnermut Aqutsisoqarfik kommuninut tusarniutigineqarsimasumik Isumaginninnermullu Aqutsisoqarfiup nittartagaani saqqummiunneqarsimasumik ilitsersuusiorsimavoq. Isumaginninnermut Aqutsisoqarfik kommunini sullissisunut siunnersuisinnaavoq.

3. Paarsinermi akissarsiassap 700%-imik qaffanneqarsinnaanera nalginnaasumik ilaqutariinnut paarsisartunut paasissutissiissutigineqarnikuu?

Paarsinermut akissarsiat suliarineqarnerannut aalajangerneqarnerannullu atatillugu paarsinermut akissarsiat 700 % tikillugit amerlineqarsinnaanerannik piomasagaatinillu ilisimatitsinissamut kommune inissiisoq pisussaaffeqarpoq, tamatumunnga ilanngullugu ilaqutariittut paarsinermut Ilaqutariit paarsisartut pillugit Namminersorlutik Oqartussat nalunaarutaat nr. 13, 10. oktober 2019-imeersumi § 15 naapertorlugu isumaqatigiissusiornissamut.

4. Nalginnaasumik ilaqutariinnut paarsisartunut qassinut qaffaat atuutsinneqalernikuu?

Apeqqutinut 4-mut, 5-imut aamma 7-imut akissuteqaatinut tunngavigineqarpoq Naatsorsueqqissaartarfiup saqqummiussaa: "2020-imi ilaqutariit paarsisartut" 18. maaji 2021-imeersoq Naatsorsueqqissaartarfimmiillu ilassutitut paasissutissat. Kisitsisit pissarsiarineqarsinnaasut nutaajunerpaat taamaammat 2020-meerput. Akissarsiat amerlineqarsimasut pillugit paasissutissat nalorninarloqarput. Paasissutissalli takutippaat, marloriaatit sinnerlugit akissarsititsisinnaaneq kommuninut atorineqarpallaangitsoq. Aamma takuneqarsinnaavoq, ilaqutariit paarsisartut amerlanerit paarsinermut amerlanerusunik akissarsitinneqartartut (tabeli 2 takuuk). Paarsinermut marloriaatit sinnerlugit akissarsititsisinnaanerup tamatumunnga pissutaanera inerniliunneqarsinnaangilaq.

Tabeli 1-imi takuneqarsinnaavoq ukiumi tassani decembarimi meeqqat ilaqutariinni paarsisartuniittut amerlassusaat kiisalu meeqqap paarineqarneranut ilaqutariit paarsisartut akissarsiaasa amerlassusaat. Malugiuk ilaqutariit paarsisartut katillugit amerlassusaat kisitsisini takutinneqanngimmat ilaqutariit paarsisartut meeqqanik arlalinnik paarsaqarsinnaammata.

Tabeli 1: Meeqqat decembarimi ilaqutariinni paarsisartuniittut amerlassusaat ukiunut akissarsiallu amerlassusaannut agguarlugit.

Ukioq	1 x Akissarsiat	1,5 x Akissarsiat	2 x Akissarsiat	3 imalt. 4 x Akissarsiat	Paarsinermi atukkat katillugit
2018	274	11	57	0	342
2019	283	8	71	0	362
2020	273	5	103	5	386

Oqaaseqaat: Naatsorsueqqissaartarfimmit paasissutissat tunngavigalugit Naalakkersuisoqarfiup tabelia. Kinaanermik isertuussinissaq eqqarsaatigalugu tallimanit ikinnerusut ataatsimoortinneqarput.

Tabeli 2: Paarsinermut akissarsiat amerlisat katillugit amerlassusaat akissarsiallu amerlisat pissarsiat.

Ukioq	Paarsinermut akissarsiat amerlisat katillugit	Paarsinermi atukkat katillugit	Paarsinermut akissarsianit amerlisat pissarsiat
2018	68	342	19,88%
2019	79	362	21,82%
2020	113	386	29,27%

Oqaaseqaat: "2020-mi ilaqutariit paarsisartut" tunngavigalugu Naalakkersuisoqarfiup naatsorsuina. qup. 5, takusassiaq 2.1. Naatsorsueqqissaartarfik. 2021.



5. 700% tikillugu qaffaasoqarsinnaalernerata kingorna, qanoq annertutigisumik kommuunit aningaasartuuteqarnerulerpat?

Paarsinermut akissarsianut kommuunit katillugit aningaasartuutaat ukiunut 2018-2020 tabeli 3-mi takuneqarsinnaapput. Qaffannera paarsinerit amerleriarsimanerannik, paarsinermut akissarsiani tunngaviusumik akigitinneqartut amerlisimanerannut kiisalu marloriaammik akissarsisartut amerlisimanerannik pingaarnertut pissuteqarpoq.

2021-imit marloriaataa sinnerlugu amerlanerpaamik kr. 616.080-inik akissarsititsisoqarsinnaalernerata malitsigisaa kommuninut tamanut agguarlugu. Suliassaqaqfimmi kommuunit katillugit aningaasartuutaasa 1,8 %-eraat. 700 % tikillugu paarsinermut akissarsiat tunniunneqartut amerlineqarsinnaanerata taamaalilluni kommuunit paarsinermut akissarsianut aningaasartuutaannut annertunerusumik sunniuteqarsimangilaq. Naatsorsuinerimi tassani aallaavigineqarput paarsinermut akissarsiat katillugit tallimariaataannik, pingasoriaataannik sisamariaataannilluunniit amerlineqarsimasut (takuuk tabeli 1) tamarmik sisamariarlutik akissarsisimasut kiisalu paarsinermut akissarsianik nalinginnaasunik marloriarlutik pissarsisimassagaluartut.

Tabel 3: Paarsinermut akissarsianut kommuunit katillugit aningaasartuutaat akissarsiat amerlisat ukiunut agguarnerat ilanngullugit (mio. kr.).

Ukioq	2018	2019	2020
Paarsinermut akissarsiat	24,4	26,6	30,1
Nukinginnartunut paarsinermut akissarsiat	3,6	4,4	3,2
Katillugit:	28,0	31,0	33,3

Aallerfik: "2020-mi ilaqutariit paarsisartut" tunngavigalugu Naalakkersuisoqarfiup naatsorsuineri. qup. 5, takusassiaq 2.1. Naatsorsueqqissaartarfik. 2021.

6. Akissarsianut qaffaatiniq pissarsiniarluni nalinginnaasumik ilaqutariinnut paarsisartunut qanoq iliornissaq pisariaqarpa?

Ilaqutariit paarsisartut paarsinermut akissarsiat amerliumallugit kommunimi inissiisumi meeqqap sullissisuanut saaffiginnissinnaapput. Ilaqutariit paarsisartut perorsaanikkut isumassuinikkullu immikkut ittumik iliuuseqarsimanerannik tunngaveqarnissaanik piumasaaqatitaqarpoq. Kommunip noqqaassuteqarneq suliarissavaa Ilaqutariit paarsisartut pillugit Namminersorlutik Oqartussat nalunaarutaat nr. 13, 10. oktober 2019-imeersumi § 21, imm. 3 naapertorlugu.

7. Nalinginnaasumik ilaqutariinnut paarsisartunut akissarsiaritinneqartartoq marloriaatinngortinneqassappat, tassa 10.268 kr. qaammammut, aningaasaqarnikkut allaffissornikkullu qanoq kinguneqassava?


Aningaasaqarnermut Naalakkersuisoqarfik ilisimatitsivoq: "Tabeli 1-imi kisitsisit naapertorlugit paarsinermut akissarsiat 273-it marloriaatinngortinneqarput tallimallu maanna paarsinermut akissarsiaasa 50 %-iannik amerlineqarlutik. Tamanna ukiumut 17,7 mio. kr.-nik aningaasartaqarpoq. Paarsinermut akissarsiat marloriaatinngortinneqarneratigut ulloq unnuarlu paaqqinniffinnik pisariaqartitsinermik annikinnerulersitsippat tamanna aningaasartuutiniq malunnaatilimmik ikilisaassaaq. Tamanna ilaqutariinni paarsisartuni inissanut nalinginnaasunut sanilliullugit ulloq unnuarlu paaqqinniffinni inissat quleriaataat sinnerlugit akisunerunerannik pissuteqarpoq."



8. Paarsinermut akissarsiaritinneqartut akileraarutaasussaataappat?

Nalinginnaasumik attaveqarfinilu paarsinermut akissarsiat B-mik isertitatut akileraaruserneqartussaapput. Aningaasartuutitut uppersaammik takutitsinani paarsinermut akissarsiap ataatsip nalinga ilanngaatigineqarsinnaavoq. Tamatuma saniatigut aningaasartuutitut immikkut tunniunneqartartut saniatigut paarsinermi aningaasartuutit uppersaasikkat ilanngaatigineqarsinnaapput. Paarsinermut akissarsiat saniatigut meeqqat atisaannut, nerisanut kaasarfimmiussaannullu aamma tapiisoqartarpoq. Aningaasat taakku akileraarusigassaangillat.

Inussiarnersumik inuulluaqqusillunga


Paneeraq Olsen